

【 僱行過个一條山路 】黃火盛原作

記得僱略略仔知人我¹个時節，有一擺阿公摻阿爸講，想愛去仙山掙仙水，該當時僱想：仙山怕係戴當多神仙，該兜神仙逐日食个水，就怕係安到仙水，食了²仙水會像神仙樣無愁無慮，日日就做得樂線³樂線。

過幾日天吉光，阿公七早八早就趺床，喊阿爸載佢去掙仙水，僱摻阿爸講僱乜想愛去，阿爸講做毋得，阿公顛倒講毋怕，分佢跔，係講半路打頓屈⁴毋行，轉來皮斯愛弓較纏兜⁵，僱摻阿公打賭講絕對毋會。就恁樣僱跔阿公坐等阿爸个車仔出發去仙山。上車無幾久，僱目珠眨等一下仔就睡忒，等到阿爸喊僱，車仔已經來到仙山腳下了⁶。阿爸講著加一領衫，朝晨頭清冷清冷毋好冷著，僱衫加啊等，一下車就走當遽，阿公大嫲牯聲喊僱毋好走恁遽，一來驚僱毋堵好會墮倒，二來等一下上崎毋得半崎坐，所以僱就乖乖跔佢兩儕定定仔行。

¹ 知人我：音 di` ngin ngo`；懂事。

² 了：音 liau`；完畢、結束。

³ 樂線：音 log` sien`；悠哉、樂天。

⁴ 打頓屈：音 da` dun` kud`；耍賴皮，鬧彆扭，停頓不前。

⁵ 皮愛弓較纏兜：音 pi oi` giung` ha` hen deu`；皮要繃緊一些。

⁶ 表完成的語尾助詞。海陸腔有 le`、lio`.....等不同讀音，讀者可依文章情境，自由詮釋發揮。以下同此注釋說明。

蹶到半山排，腳當軟，歸身汗流脈落，遠遠看著一隻涼亭，僱就煞煞走去坐在該石凳頂，風輕輕吹來，心肝肚偷想愛打潑賴⁷，斯緊故大氣摻阿爸講無想再過行了。阿爸就講：「喊你毋好來，你偏偏恁愛跔，這下愛仰結煞正好。」阿公接嘴講：「神仙打鼓有時錯，腳步踏差麼人無，應著你來打毋著算了。」

聽著阿公恁樣講，僱高不而將又繼續行，毋過這下行無恁遽了！翻轉頭，看著無幾遠有一對阿爸、阿姆牽等一個比僱還較細个細阿妹仔，佢兜定定仔一步步行上來，像會追著僱這兜了，阿爸就趕這機會講龜仔摻兔仔走追仔个古，害僱聽到面紅濟炸⁸當見笑，僱連該細阿妹仔就比毋得！蹶呀蹶仔總算到嶺頂最高點了，群山眾嶺盡在眼前，耳空聽著竹雞仔、山阿鵲這兜鳥仔个叫聲，鼻空鼻著夜合花个清香，心情突然間嘩開起來。該時節雖然無看著麼个大羅神仙，毋過僱也試著比看著神仙還較歡喜，因為這斯像發夢⁹樣；阿爸牽等阿公去張¹⁰仙水，七張一細罐愛僱搯等轉屋下，僱問阿爸這仙水摻屋下个水道水有麼个無共樣？佢講來到這位張水个心情摻屋下張水道水个心情係無共樣哦。

到這下來，僱正知頭擺人講个：「路毋行，草生塞；心毋開，會打結。」來到這方所在¹¹，保證心肝嘩嘩開。

⁷ 打潑賴：音 da` pad lai+；耍賴皮，使性子，耍脾氣。

⁸ 面紅濟炸：音 mien` fung zi` za`；臉紅耳赤。

⁹ 發夢：音 bod mung+；做夢。

¹⁰ 張：音 zhong`；盛。

¹¹ 這方所在：音 lia` vong` so` cai+；這個地方。

編號 2 號

【客家美食】徐貴榮原作

頭擺，客家人長透戴到山肚、田莊，耕田打林，愛用當多個體力，所以，食雜¹²摻一般人無共樣，變成偲俚客家「食」个文化。講著這客家美食，偲个口水強強就會溶溶跌¹³了¹⁴！

在偲个印象肚，酸酸个豬腸炒薑絲，薑絲嫩嫩、豬腸脆脆，食起來有一滴酸溜酸溜仔，客家人就係好食這味緒。叔公、阿伯長透講：「食加兩碗飯，做事較有力，豬腸無了¹⁵，味¹⁶也好，摻飯攪攪啊，還扯飯哦！」

頭擺偲公長透講：分人請，無食著炒肉就像無食著豐沛共樣。原來這炒肉就係今晡日大家講个「客家小炒」，裡背用蔥白、魷魚、三層肉，加兜香料，大火炒到噴香。魷魚當香，三層肉毋會肥，食過个人都會問：恁平常个東西，仰會炒到恁香，恁有味呢？這就係客家人料理食品个本等，也係客家美食个代表菜。

其他像筍乾摻封肉、清甜个雞肉盤、酪酪个豬腳、一坭一坭搵蒜頭仁酸醋个鹹豬肉，還有清清个覆菜排骨湯，食起來就係恁有客家人个味緒。

另外，客家人長透用自家種个米穀來做各種點心。最有名个就係莊頭莊尾一到做鬧熱、做好事个時節，家家屋屋就會打糝粿、搵糖粉來請人客！講著這糝粿，偲就會想著細細仔个時節，長透跔等偲婆去分人請，食飯前，總有一大群人手擎等著，一頭斷糝粿搵香香个地豆粉，一頭摻親戚朋友打嘴鼓，又食又講，看啊過去，逐儕都笑咪咪仔，該種親切个感覺，斯有客家人正會了解。

客家人个點心，還有包菜脯絲个菜包，軟軟虬虬个水粿、比大麵還較好食个粿條、又虬又滑个米篩目，現下，客家美食既經變成大眾化个食品了。

這下，不管係在屋下也係在外背，偲輒輒會想著細細仔个時節，偲婆做分偲食个點心。下二擺，偲定著愛學做客家美食，做出阿婆个味緒，分大家來認識偲俚客家食个文化。

¹² 食雜：音 shid` cab`；吃的方面。

¹³ 溶溶跌：音 dab` dab` died；形容像雨一樣一直滴下來。

¹⁴ 表完成的語尾助詞。海陸腔有 le`、lio`.....等不同讀音，讀者可依文章情境，自由詮釋發揮。以下同此注釋說明。

¹⁵ 了：音 liau`；完、盡。

¹⁶ 味：音 mui+；指湯汁。

【火雞咕嚕咕嚕】劉玉蕉原作

「咕嚕，咕嚕」園肚个火雞，看著佢這兜細孬仔，撐開像扇仔恁樣个尾，兩隻腳踢啊踢，斯行過來，緊行喉嚨還「咕嚕，咕嚕」緊叫，蛤蟆脰¹⁷該坭紅色个皺皮，跔等叫聲晃來晃去，看著實在斯已得人驚！分毋清佢係歡迎佢這兜，抑係抗議佢兜忒吵，看佢恁樣面紅紅，目珠直視直視，尖尖个觜¹⁸又像關刀，隨時愛劈¹⁹過來个樣相，這勢面，佢看莫惹佢有較贏！

還記得該年，轉姐婆屋下，一下車，無等阿爸阿姆環好等路，斯直接行落伙房屋去尋姐婆，姐婆無尋著，嘎來惹著屋角歇睏个兩隻大火雞，緊話著²⁰像阿婆畜个該條烏狗共樣，恁溫馴，鼻得出佢个氣味，斯無加注意，無想著該火雞「咕嚕，咕嚕」斯緊拂等來咧，兩隻大火雞齊齊對佢蹴²¹過來，正看著佢兜蛤蟆脰个紅肉，晃啊晃，斡頭，屎肫斯分佢觜著咧，「阿姆哀唷～！」佢拚等出，告知該火

雞看佢好欺負，也緊追等來，「媽～」佢放勢牯噉，喊阿姆，阿爸在地泥下抓著²²一支竹仔，斯拓過來，兩隻火雞「咕嚕，咕嚕」盡毋甘願樣，目珠直視直視，走到牆頭脣，尖尖个觜還「咕嚕，咕嚕」叫無停。

屋背做事个姐婆，聽著佢放勢牯噉个聲，走出來，看著這光景，遽遽摻佢捕纏纏講：「毋使驚，毋使驚，該頭牲得事！」還講：「這火雞恁天壽，敢拂佢孫女，天光刷忒來分你食！」緊講緊笑，也毋知佢係正經闊抑係詐意闊。該量時个佢，總知講該兩隻火雞該死咧呢！

自該擺過後，佢見看著火雞，心肝肚斯先驚便，閃佢遠遠，今晡日跔先生來休閒農場遶寮，遠遠看著火雞，還係一隻「驚」字，屎肫掌啊掌，該年著驚个一幕，斯像昨晡日正發生樣。驚佢又過恬恬拂來，佢毋敢行兼去，毋過，這園肚个火雞啊，分人跔久咧，少忒佢个雄頭，顛倒試著佢兜盡衰過，斯像佢這兜細孬仔共樣，天闊地闊由在你颯，歡喜時，係講摻你跔在屋家肚，麼个都做毋得，你會仰般？

¹⁷ 蛤蟆脰：音 ha ma goi`；指脖子和下巴之間部位。

¹⁸ 觜：音 zui`；禽類動物等尖長形的嘴。

¹⁹ 劈：音 piag；用刀斧等利器劈過來。

²⁰ 話著：音 va+ do`；以為、認為。

²¹ 蹴：音 cio`；踩踏。

²² 抓著：音 sa` do`；抓到。

【庫起²³】徐姿華原作

佢從細就當惜狗，毋過自家屋下無畜狗，因致恁樣，言讀書該下，無論鄰舍畜个狗，也係路脣个生份狗，佢做下會摻佢兜當做好朋友，路頭路尾堵著，斯會跔等摻佢兜講話、摻佢兜共下寮歸下晝。

六歲該年，阿姆看佢恁愛狗，斯摻朋友討一條細狗子轉來畜，交代佢摻阿姊愛好好照顧佢，愛供佢、愛帶佢去屙屎屙尿。該暗晡，佢歡喜到睡毋得，晡阿爸阿姆睡忒，偷偷走去廳下看細狗子，摻佢寮、捕等細狗子在膨凳頂睡忒。第二日打早，阿姆看著佢摻狗共下睡，又好闕又好笑，毋知仰結煞正好。

這條狗个名安到「庫奇」，佢个毛短短、黃黃，目珠圓圓圓、烏烏烏、挨挨轉²⁴，已得人惜；佢當乖也當聽話，像講：阿爸阿姆愛去上班咧，佢會送佢兜到大門口，尾緊拂，當像係摻佢兜講「再會」、「再會」。佢摻阿姊放學轉來，庫起也會在門口迎接佢兜，一看到佢兜，佢會歡喜到緊跳緊躍²⁵，佢該量時還係一年生，有幾下擺，硬硬²⁶會分佢躍橫忒去呢！庫起當得人惜，毋過有時又當搥衰人

²⁷，佢長下都摻阿爸个皮鞋柑去園，害阿爸朝晨頭尋無鞋好著，上班險險會赴毋著。有時佢兜愛出去遶寮，無好帶佢共下去，佢也會唔唔滾，像在該討愛跔，害佢兜當毋盼得，歸日心肝頭掛吊到會死。

庫起斯像係屋下人，逐儕做下已惜佢，佢乜已好淨俐，佢兜禮拜時會摻庫起洗身，佢會企好好分佢兜洗，毋會儘採停動，洗好身佢會歡喜到緊拂尾，還會舐佢兜个手，當像在該講「承蒙」、「承蒙。庫起也當好運動，臨暗邊，佢摻阿姊會帶佢行去伯公下拜伯公，逐擺庫起總係走當遽，緊走緊鼻路脣个草，有時還會停下來屙尿，阿姊講：「該係狗在該『佔地盤』啦！」實在還生趣哦！

讀四年生該年避暑，有一日打早，佢還在該睡等，庫起用佢个腳爪緊蹶佢个間門，佢打開門看著庫起睡在地泥下，嘴角噤波²⁸、舌嫵西出來²⁹、還緊啟大氣，當艱苦樣。害佢著驚下，遽遽喊阿爸來看，阿爸講：「啊！壞咧！怕係中毒咧！」，趕緊斯摻庫起送去動物醫院，醫生急救了後，還係無法度摻庫起救轉來。佢摻阿姊聽啊著斯噉出聲，阿爸摻阿姆也艱苦到頭犁犁，緊掙目汁。

到這下，佢見想著庫起，斯會心肝頭撈撈、喉嚨頭硬硬，還當毋盼得，佢愛感謝庫起，佢係佢个細人仔伴，陪等佢个童年，也係佢盡難忘个好朋友！

²³ 庫起：音 ku` ki^；大埔腔發音，小狗名。

²⁴ 挨挨轉：音 lid lid zhoŋ^；不停的轉動。

²⁵ 躍：音 ciog；跳躍

²⁶ 硬硬：音 ngiang^ ngiang^；硬是。

²⁷ 搥嗶人：音 med sa^ ŋgin；戲弄人使人困擾。

²⁸ 噤波：音 bud` po`；冒泡。

²⁹ 西出來：音 le chud loi；伸出來。

【番薯】邱一帆原作

逐擺聽著你分人安謐，俚心肝肚就當歡喜，歡喜个裡背，包含欣賞同欽羨。

你，哪久來到這位，研究臺灣植物遷徙歷史个人，會有最正確个答案。對你這「番」个安名來看，確定你係來自漢人以外、甚至係臺灣以外个地方。有人講，你來自荷蘭，來自荷蘭人統治臺灣个年代。俚想，這毋係重要个，盡重要个係，看起來泥混混仔³⁰个你，生著就無幾好看，毋著，應該講媠到看毋得³¹正著。在這斯重視外表、表面个所在，會有當多人安謐你，你應該會感覺安慰摻歡喜正著。當然，該兜人誇獎个毋係你个外表！

自你來到這，有當多人，這兜人可能食飽閒閒³²，無麼个事好做，逐日就摻你來看、詳詳細細來注意；無就係一日到暗摻你接觸、摻你認識、了解，看出你个特色！有人講你个外形像臺灣，意思係講你像臺灣，或者直接講你係臺灣，臺灣係臺灣人个爺哀，該臺灣人就係番薯子！你怕有聽過有兜細人仔，分人安到「大番薯」、「番

薯牯」這兜得人惱過於得人惜个名仔。

見泥就生，係你个另外一種特性！儘採擲到哪地泥下，毋使幾多日你就開始生芽、綻筍，就算無泥个所在，時節一到，你乜綻出嫩芽來。你生出个藤、綻出个莖葉，儘採一截插入泥竇肚³³，共樣會生出葉、生出番薯來，大家看出你這特性，實在當有生命力！面對一溜里來就逢著苦難个臺灣、臺灣人，你係當值得學習个典範！不管受著麼个苦難、抑係面對麼个艱難環境，你還係做得一路行等過來。求得生存、延續生活，在這坵土地上，展演自家个生命。

五、六十年前，窮苦人無麼个米好煮來食，正摻你拿來煮湯食，民間流傳「無米好煮就煮番薯湯」就係恁樣來个，這也表現出該群人知足安樂个觀念；該量時，毋罈米煮飯，也會摻你拿來摻一息仔米共下煮糜來搭秤頭³⁴；到這下有人還知你安到「豬菜」³⁵，主要就係該量時摻你炆來分豬仔食个！毋知係因為這下營養保健觀念个發達，抑係你本身就有个、豐富个營養特性，原旦窮苦人、或者豬仔正愛食个東西，這下變到營養个、康健个、有機个食物！這種變化，係人个觀念改變引起个，對俚來講你一直，無變！

逐擺聽著你分人安謐，俚心肝肚就當歡喜，俚也希望自家一直像你，無變！

³⁰ 泥混混仔：音 nai gunˋ gunˋ er+；滿身泥巴的樣子。

³¹ 媠到看毋得：音 zheˋ doˋ konˋ m ded；醜到不行。

³² 食飽閒閒：音 shidˋ bauˋ han han；吃飽太閒，形容很有空閒的樣子。

³³ 泥竇肚：音 nai deuˋ duˋ；泥土裡。

³⁴ 搭秤頭：音 dab chinˋ teu；搭配使其夠份量。

³⁵ 豬菜：音 zhuˋ coiˋ；番薯葉等豬吃的食物的總稱。

【割禾飯】李秉璋原作

「食飯哦！好食飯咧！」頭擺个細人仔若係聽著這句，走像飛樣，歸大群煞煞走落灶下，拿碗擎箸、張飯挾菜，各人捧一碗飯去巷路³⁶，兜一張四角凳抑係阿姆嫁妝个圓凳³⁷，各人尋位所坐等食，也有人用跔个。大家食到當煞、當拚勢。這時阿姆就會講：「你係山頂下來个抑係正對管仔放出來个犯人係無？斯像前世毋識食過，恁枵鬼。」毋過，講起來乜毋好怪這兜細人仔，平常時無麼个四秀³⁸好食，又合跳上跌落，當然肚屎枵到咕咕滾叫。平常時連愛一碗大麵³⁹來食，都愛等特別个節日抑係機會。像係隔壁莊頭做平安戲、親戚嫁妹仔抑係討心白正有機會食著恁豐沛个好料。毋過佢最記得个係割禾飯。

頭擺蒔田割禾，大家都愛互相換工。這下係偲俚割禾咧，莊頭莊尾，房頭內人都來搵手共下割禾，另日換別儕割禾該時，屋下肚就愛派人出去摺別儕搵割。大家無議無論，盡有西周時期井田「互

助」个精神，實在當有人情味。斯因為恁樣，大家莊頭莊尾識透透。割禾該日，主人打早三、四點斯愛跣床，攞好東西落田去割禾。機器耱⁴⁰、禾鏟仔、布袋、牛車、布袋針、穀耙這兜早斯準備好勢。開始割个時節，大家自然分工做事，割禾、打穀个；拖機器耱个、張穀、擎穀包个、駛牛車个，大家拚到大汗潑小汗，歸身潦潦。主人準備一隻冰桶，裡背園一砵大冰砵，攞一大包烏糖分大家啖。十點空，又準備米篩目食點心。斯恁樣拚歸晝，逐儕都拚到恹啣⁴¹。

當晝時，主人早就準備當豐沛个晝請這兜割禾師傅。大家禾割忒，先轉去屋下洗手洗面，主人派人去請佢兜來食飯。屋下个婦人家早就無閒直掣，打早刷雞、刷鵝、炒麵、攞酒、買汽水、煮大鑊飯。排好長桌，菜一項一項出來，等割禾个師傅來食飯。這時節，大家坐兼來，開始食飯。拚到歸晝，這下最快樂，大家食到當歡喜，有講有笑，交換耕種个心得，順續講哪家人个細人仔當會賺錢，盡有出息。在割禾師傅一個一個來个時節，世大人就教細人仔，這愛喊阿叔、阿哥、阿伯.....，摺規矩落實在生活裡肚。屋下个婦人家摺細人仔等大家食飽，正來食這餐等當久，準備當久，當好食个晝。這時，就會食著該想當久，好食个大麵摺該香噴噴个大鑊飯。

³⁶ 巷路：音 hong+ lu+；指連接「正身」和「橫屋」的通道。

³⁷ 圓凳：音 rhan den˘；指當時新娘子陪嫁品之一的小圓板凳。

³⁸ 四秀：音 si˘ siu˘；零食。

³⁹ 大麵：音 tai+ mien+；粗條的油麵。

⁴⁰ 機器耱：音 gi˘ hi˘ fong；用腳踩或用柴油引擎當動力的打穀機。

⁴¹ 恹啣：音 tiam˘ zid˘ zid˘；極為疲憊。

【火燒柑】彭瑞珠原作

阿舅在屋後背種十過頭桶柑，一有閒就行去屋背个細柑園抹抹摸摸⁴²，洩水、擲草、放肥料、剪樹柁一等煞猛，逐頭樹仔都分佢守顧到靚靚靚。三、四月仔，滿園青樹柁打起一蕊一蕊个細白花仔，間等⁴³一點一點卵黃色个花心，當得人惜，係一陣風吹過，清香幼秀个香水味還會拂到滿哪仔都係！該香氣，冤枉正得，有錢乜買毋著，你係在柑仔樹開花个時節行過柑園，一定愛曉得頓腳下來享受一下該香氣。

花皮一落地，青青个細柑仔子就緊大，毋過，柑仔子大已慢，愛一路等到年會到咧，柑仔正會熟水⁴⁴，所以講佢係年柑。阿舅个年柑正經有用心守顧，一粒一粒平大圓篤⁴⁵，毋會媿，總係，粒粒都係火燒柑。

「阿舅，你買著火燒柑个種哦？」

「火燒柑哪有種？怕係若嫂煎魚仔、炒菜恁猛火，正會分油煙

燻⁴⁶著！」

火燒柑个皮粗粗赤赤，賣相毋靚，毋過，佢个水分已足又較有柑仔个香氣，所以當有柑仔个味緒，好食！總係，明明就種桶柑，別人个桶柑滄黃滄黃靚靚，阿舅年年都出火燒柑，敢正經係種草有問題？仰會恁怪奇！

原來，係阿舅个柑園在屋後背，較背日⁴⁷，雖然日日有人掌等，毋使洩除草劑乜毋使打農藥，一隻山牛牯分人看著都會摻佢捉忒，佢想愛在該位出子喫柑仔樹根、害樹仔黃忒，該斯毋使想！毋過，有一種蟲仔安到柑橘銹蟎⁴⁸，細細隻仔、像頭那毛恁幼定定，偲俚个目珠全全看佢毋著來捉，佢本旦就好囡在日頭較晒毋著个葉下樂樂个喫柑仔皮，阿舅背日个柑園就盡堵好。柑仔皮分這種蟲仔喫過會出油，柑仔油摻空氣鬥共下就變到烏色烏色个火燒柑咧，係柚仔皮分佢蜒過，乜會像噉眇過樣仔留等目汁痕。

所以，火燒柑毋係分火燒著、毋係分日頭難壞，乜毋係分阿嫂个油煙燻著，係蟲仔講該粒果子無打著農藥个天然認證。

⁴² 抹抹摸摸：音 mi mi mo` mo`；東摸摸西摸摸。

⁴³ 間等：音 gam` nen`；夾雜著。

⁴⁴ 熟水：音 siug shui`；動植物或果實成熟。

⁴⁵ 圓篤：音 rhan dug；頂端圓而厚實；「篤」指物體的頂端，如「笠嫲篤」、「屎肫篤」。

⁴⁶ 燻：音 fun`；煙燻。

⁴⁷ 背日：音 poi+ ngid；背陰。陽光照不到的地方。

⁴⁸ 柑橘銹蟎：音 gam` gid siu` man；銹蟎。一種會吸取柑橘類植物的皮表汁液，危害其生長和結果的害蟎。

【覓蜆仔】張美容原作

「黃金蜆！黃金蜆！愛買兜仔無？對肝盡好哦！」市場个魚販仔見看著人過，就招人買，佢看著篩仔肚一隻隻金黃金黃个蜆仔，就想著細人仔時覓蜆仔个情景。

在鄉下，覓蜆仔係細人仔最好个事情，一方面有正當个理由好搞水，一方面在該食著⁴⁹無恁豐湧个時代，又有好做菜，所以在奈日，鄰舍湊啊著就共下去覓蜆仔。係有較大个人渡，佢姆成時也肯分佢跔等去，佢像飛出鳥籠个鳥仔，一頭行一頭跳，暢到耐毋得，這下想起來，嘴丫角還會慢慢弛起來。

這隊覓蜆仔个人，實在生趣，有个一隻手拗盆仔、一隻手拿箬箕，盆仔肚還愛放一支細沙耙；有个一隻手拗鑊仔、一隻手拿畚箕，鑊仔肚還愛放一支細鑊頭，大家斯驚東西毋罅齊⁵⁰，覓个蜆仔毋罅多。佢屋下無這兜傢伙，帶个東西最簡單，一頂笠嫲抵日頭、一隻細盆仔張蜆仔，就恁樣定定。

佢兜最常去个位所，係就近个大圳溝，這條圳溝有兩、三公尺

闊，水到膝頭下恁深。落到圳溝肚，佢用手捧起圳溝底个泥沙，目珠金金看裡背有蜆仔無，係有就煞煞拈起來，像著著獎券恁暢。病忒久，腰骨痠軟咧，就企等用腳蹕，蹕了等水鮮，就會看著困在圳溝底个蜆仔走出來，一晝邊下來雖然覓著無多，佢還係試著盡歡喜。其他人就無共樣咧，用細沙耙、細鑊頭摺圳溝底个泥沙耙落箬箕、畚箕肚篩篩仔，歸十隻蜆仔就在面前，覓著半面盆較加係常有个事情。也有人除了覓蜆仔以外，還用箬箕去插圳溝脣草竇肚个蝦蜚仔，轉去焗焗仔又係一盤菜。

佢同學最生趣，言覓蜆仔就先用圳溝水洗頭那，等蜆仔覓好，頭那毛也燥咧，摺學老人講个：「一兼二顧，摸蜆仔兼洗褲。」實在還相像哪！可惜毋記得幾時，佢姆就交代，這下家家屋屋个厝槽水都排到這圳溝去，落去腳會綿忒，覓个蜆仔也食毋得，從該以後，覓蜆仔伸著係佢兜朋友打嘴鼓个話題，無人識去覓咧。到這下，圳溝也奔忒咧，童年个種種，也共樣奔在佢个心肝肚。

⁴⁹ 食著：音 shid` zhog；吃穿。

⁵⁰ 毋罅齊：音 m la+ ce；不夠齊全。